





帝永嘉中其前五代大墓在代州城北十五里有華表碑  
碣及石羊石馬之屬嗣渡江下丹陽營產業以居子孫遂  
世居江浙琳公長子展爲尚書左丞展子封拜十四班將  
軍致仕居湖州安吉縣墓在安吉生爽爲南台令爽生憲  
金紫光祿大夫憲子公政散騎常侍公政子仕章朝散大  
夫子一坦公

坦公仕隋授承議郎令始新

今淳安縣

三年任滿歸至合陽遭

疾以歿民遮留不去遂殯於蟠龍山是爲嚴州始祖生五  
子長仁祥次敦三恭四櫟五文政坦公歿並廬墓三載服

闕以餘財賑恤貧乏於合陽置立市井門第遂大按仁祥  
字安國世稱傲士才性剛敏不循小節與建德令周光敏  
有隙誓曰當立報死三日陰雲四塞有大白蛇當道漸至  
縣庭令以怖死遂遁去烏龍山飛空而逝土人就其地立  
廟唐貞觀初璽封烏龍靈應王恭公仕樞密副使生景璋  
奉禮郎居石邨舊名諫坡爲諫坡派十二傳至庚公居清  
平邨又三傳爲孟公仕應天府尹

今河南歸德府

生子珥潞州判

官子三公諱全

提舉公諱全字昌國爲始新令坦公十八世孫弱冠以文



學知名高宗紹興二年詣行在奏名用任子就試入格賜  
張九成榜進士仕終海陽稅課司提舉居官廉謹尤好獎  
掖後進考滿當遷官以疾卒於任葬邑西石人巖因家焉  
海陽氏族之有邵自提舉公始也提舉生上舍公諱堅字  
堅父始定居海陽自號桐江老人有子五人漸以蕃盛五  
傳至衍慶公善醫重義輕財宴息之所顏曰德泉創修家  
乘俾後之人有所考公之力也元祚將絕羣盜蠡起公長  
子爲賊所害孫巖山公方四齡遭兵燹無室居晚始結屋  
以居軒前有古梅號曰梅軒九傳至光龍公爲太倉始祖

光龍公字爾躍父周佐公生三子公其仲也始娶夏繼娶  
程時明季亂離家貲蕩析遊粵遷轉至婁樂其風土納副  
室王氏黃氏并迎程孺人生子五人諱學詩學易皆王出  
學舉學琦程出學夔黃出公沒後繼室程以祠墓爲重挈  
所生歸休寧今葬九都下五畝地圩王黃兩孺人祔焉學  
詩公號退庵無子以次房學易公號泊庵次子侍讀公諱  
嗣宗嗣兩公俱以待讀公貴 贈奉直大夫翰林院編修  
加三級侍讀公生而穎異過目成誦早入州庠歲科試輒  
冠儕偶乾隆辛酉拔萃旋舉於鄉壬申恭遇 皇太后萬



壽舉行 恩科中式會試第一賜進士出身歷官翰林院  
侍讀天性孝友植躬清介尤敦根本偕兄蘭圃公買棹赴  
嶽修葺丙舍奉祖父神位入祠涓吉致祭里黨榮之所著  
舊鄉行紀一冊皆實錄也嘉慶十二年奉 旨入鄉賢祠  
公生子二長 贈文林郎諱士潔以痰疾早世即先王父  
也妣王孺人矢節撫孤教養成立蓋先王父捐館日先君  
子十有一歲先君子諱安字乾隆癸卯登賢書大地分發  
畿輔歷官涑水武邑寧晉大興署趙州直隸州篆版輿迎  
養人咸爲太孺人慶猶以儉勤清慎諄諄致勗王太孺人

考終大興官署先君適以蜚語罷官扶櫬南旋喪葬盡禮  
先君嘗念太倉始祖以來未有享室以安祐主心殊闕然  
鳩工庀材將事營葺而已不及待矣廷烈等奉母孺人命  
踵成先志以辛未冬至前三日恭迎木主入祠妥侑神位  
昭穆以班嗣是春秋享祀無廢無僭如初禮榜曰海陽邵  
氏分祠示不忘本也於是小子烈作而言曰洪惟我祖代  
有聞人西晉以上荒邈勿論雁門崛起保世滋大簡策所  
載志實非誣爰至始新以後潞州以前祚經三嬪歲延六  
百武達文通彪炳家乘若夫文學始清平吏治始應天爲



海陽仕學所自出誠所謂聰明睿達懿度宏遠者矣巍巍  
提舉垂裕後昆新安創業盛德在人實啟我邵氏子孫千  
億之緒以流行無窮小子雖未獲謁公之廟瞻公之容竊  
展譜牒油然誦芬揚烈之思動於中而不能已用是知我  
祖宗慶澤之長與江流而並永也爰爲綴緝世次推溯本  
枝并以曾大父先君子之遺蹟並系於篇在我後之人尙  
其敦本明倫尊祖收族以無墜先世之統緒是予之望也  
夫是予之望也夫

望益編

棣香齋叢書

鎮洋邵廷烈子顯編次

予以早歲孤露學殖較薄庭誥家令靡所述聞而族  
屬渙處弱弟是依又無潁川平原子姓兄弟互相師  
友之善自維駑蹇不克光裕前業冥追古人而嚶鳴  
求聲私慕前賢取斯之義束髮以來自考成以訖童  
牙繇州里以逮郡邑交必以實而勿以聲接必以謙  
而勿以僭衰羸猥佻儻葛之徒無所與嫗媯虫眩此